

晚

晴

移

詩

匯

晚晴移詩匯卷一百三十八目錄

彭蘊章

五首

羅惇衍

三首

呂賢基

一首

謙福

二首

劉繹

一首

周恩綬

五首

鄭獻甫

十四首

蔣德馨

二首

蘇廷魁

九首

許乃釗

一首

朱琦

十四首

彭崧毓

二首

方俊

一首

李佐賢

二首

張錢

四首

高希賢

一首

喻懷仁

一首

吳棠

三首

魯一同

十三首

張際亮

九首

江開

十四首

蔣湘南

十三首

此詩余言臣外一二上二ノ千金

史勝書 六首

熊少牧 五首

侯康 一首

夏埏 五首

李九鵬 三首

楊維屏 五首

王吉人 一首

黃燮清 五首

王靜涵 一首

張啟鵬 三首

晚晴移詩匯卷一百三十八

徐世昌

彭蘊章字琮達一字詠莪長洲人道光乙未進士官至武英殿大學士乞休旋起署兵部尙書兼左都御史諡文敬有松風閣詩鈔

詩話文敬系出南昉生平學行以紫陽爲宗尤服膺安溪李文貞精於易學久參密勿值中原多故蒿目時艱發爲歌詠乾隆之季世豐盛大臣黷貨民力殫竭見亂源可稱詩史讀番禺張南山大令維屏聽松廬詩鈔服其五言律

之妙因題一首以彷彿其詩境云

仙山鶴一聲子晉下吹笙
碧月破天出白雲隨地生
鳴毛輕太華杯勺吸滄瀛
采藥人間侶金丹鍊不成

遠行篇

山行偏涉水肩輿彳亍深澗裏水行若登山篙師叫號上
石灘行四千里匝兩月一身常在山水窟山水糾紛眉欲
攢黃塵翻使羨長安揚鞭九陌平如砥不識人間行路難
停車入仙塘

嵐光水色繞孤村斜日停車傍寺門雨後秋山蒸霧氣燒
餘衰草蝕霜痕沙洲船泊鴈聲歇驚嶺人稀鳥語喧行過
板橋紅樹外一川碎石野泉吞

議卹軍營陣亡將士因思釀亂之由慨然有作

神州一統州縣千牧民所恃守令賢去其害馬羣不亂諷
以佩犢善必遷萬戶皆得安耕鑿顓蒙何至甘作奸聖朝
神武開王業康熙戡亂文教宣乾隆之季世豐盛大臣黷
貨民力殫民貧吏虐邪慝作異端譸起名白蓮環攻城邑

掠村落干戈紛擾楚陝川嘉慶初元始漸息師勞財匱幸
釋肩朝廷特頒寬大詔脅從罔治多矜全大隱雖去莠民
在蘖芽旋復生其間斂財惑眾亦多術漫衍宇內五十年
親民之官如傳舍但幸無事爲苟安豈無一二循良吏詰
奸鉏暴不避難徒搏終遭豺虎噬無斧安得荆榛芟請兵
旣恐坐激變釀亂不如求罷官因茲塗飾綱紀壞甘貽後
患忍目前曹滑趙城亂相繼武岡崇陽復揭竿削平雖賴
施人力成功得不歸之天其時奸邪猶畏法王師所至如
飛翰自從言官禁海市坐看萬里鯨波掀大將無功戰士
嬉行軍失律國紀干官吏偷生盡恇怯兵民無恥何責焉
所賴聖神德澤厚如培顛木閱歲寒環瀛十載瘡痍復金
粟百萬水旱蠲維持國脈使可繼急蘇民困銷烽煙今皇

御寓崇名教褒賢獎善茅茹連儒臣進講勤稽古博士議
禮廩奉先心哀鵠澤逋賦豁書達象胥番舶還方期斯世
俗淳美胡圖僻壤民梗頑初聞桂嶺曉梟鳥旋見湘江游
毒蠱機槍遠指斗牛野氛祲近逼析木躔元戎屢易功未
就堅城疊破師無完三年缺斯憫士苦六月出車望帥旋
運籌帷幄臣無狀攬衣夙夜帝罔愆良由墨吏養癰久黃
巾妖孽徧九寰城狐社鼠聲相應誅戮不勝徒實繁所惜
驅來驚鶴陣如羆如虎皆桓桓先軫入狄死猶壯莫敖荒
谷亦可憐勒名金石弔英魄極目疆場招斷魂司馬旌功
兼卹難皇仁祿及其子孫公等九京當瞑目人生一夢如
浮雲嗟余竊祿忝九列委蛇曾無汗馬勲惟願羽書奏三
捷得見劍戟消八埏十年生聚邦本固萬方綏靖憲典寬

聖人垂拱民氣樂賢才輔治官勿瘵傾否濟屯在人事自
今以往當思艱

壽陽相國以華岳圖見贈賦謝

平生耽林壑所志止一邱岱宗曾登眺四岳皆未游投我
太華圖公意在山陬蓮花三峯矗氣象何崢嶸其高五千
仞天半煙雲收下有茅龍躅一去今千秋金堂與石室仙
蹤不可求公從政事堂解組言歸休當著謝公屐名山勝
景搜蹉跎爲戀闕京國還羈留我未遂初服世故當分憂
何時攜筇杖長嘯萬峯頭披圖坐嗟歎仰望空悠悠

羅惇衍字椒生順德人道光乙未進士改庶吉士授編
修官至戶部尙書諡文恪有集義軒詠史詩

羊祐

不見降旛出石頭襄陽遺愛斷碑留東征苦進平吳策南
渡先防避狄秋身後功名歸武庫閩中封邑繼鄧侯怪君
早識王夷甫未向朝廷進一籌

林逋

有人嵩少買松關新侍君王泰岱還風雪半湖梅對屋雲
霄萬里鶴歸山廬猶傍墓魂應戀名不因詩稟可刪一擢
江淮尋舊夢倦游回首自蕭閒

杜密

前後同稱三李杜陽城厲俗志翹然丹心座上慙王昱青
眼塵中識鄭元黨錮英名先怒虎休揚令聞罪寒蟬逃刑
避難非臣節卓行今猶並潁川

呂賢基字鶴田旌德人道光乙未進士改庶吉士授編

修官至工部侍郎殉難贈尙書銜諡文節有立誠軒
古今體詩

舟過姚灣

踏徧山程又水程還家有夢不勝情千條官柳輕煙色萬
艣槽艘急浪聲書味豈因蓴菜改萊斑猶勝錦衣榮天心
定解離人恨莫遣蕭蕭夜雨驚

謙福字吉雲號小榆蒙古旗人道光乙未進士授戶部
主事歷官詹事有桐華竹實之軒詩草

對客

煙霞無路接通津谷口誰尋鄭子真對客不妨巾漉酒避
人常使扇遮塵年來懶作市朝夢分內甘爲耕鑿民卻笑
庸夫耽世味欣欣猶說吐車茵

暮春詠懷

藥裏書籤結夙緣此身已似柳三眠蕭條生計如流寓爛
漫詩情減少年犢鼻家風聊復爾龍頭科第亦徒然落花
滿徑愁無限何啻青山聽杜鵑

劉繹字景芳號詹巖永豐人道光乙未一甲一名進士

授修撰加三品卿銜有存吾春齋詩鈔

詩話詹巖擢上第直南齋一視東學遽乞養歸咸豐間奉命治團練身在兵間故多弔亂傷離之作

讀唐人詩雜感

中條山下足幽居舊有司空表聖廬幾許士人無著處王
官谷裏近何如

周恩綬字艾衫丹徒人道光乙未進士改庶吉士授編
修有享帚集

庚寅秋感

早見妖星作作芒驚心烽火照伊涼風悲草木千山月野
蕭緇貅萬寵霜笳角試憑劉越石旌旗誰識郭汾陽飛芻
輓粟籌非易牛馬還應憶武鄉

籌邊終日倚危樓此錯如何鑄六州賈誼文章眞可哭杜
陵戎馬易生愁虎頭都護心空壯猿臂將軍老不侯見說
天山已飛雪誰從中夜晃兜鍪

縱鴿聲中起鸛鷺羽林兵詎貴多多尙憑大樹留馮異莫
怪明珠謗伏波落日平沙嘶鐵騎西風寒水渡銀駝大裘
萬丈三軍纈黃竹於今總不歌

莽莽河流萬里源洗兵安得挽崑崙已聞怯走哥舒翰可
復生禽吐谷渾金甲肯銷猶恨晚玉關思入總辜恩何當

寄語征西將宵旰憂勞獨至尊

旅店題壁

出門長揖謝西山黃葉聲中匹馬還萬事不如歸去好百年能得幾時閒澆愁有酒何辭醉買笑無金不諱慳殘月曉風楊柳岸此身疑在畫圖間

鄭獻甫原名存紆以字行號小谷象州人道光乙未進

士官刑部主事有補學軒詩集

詩話小谷通籍後未久卽歸晚遭寇亂避地久寓粵東主講席粵士歸之詩直抒胸臆無所依傍骨韻甚秀當時粵西詩人以朱伯韓王少鶴龍翰臣爲最著小谷頗顧其間其伉爽之氣清越之音亦拔戟自成隊一

秋夜宿慈度寺聽梵作

禪堂祕秋光佛火炯深霧幽梵出山來葉落不知數魚聲

亦自閒驚鵲穿林去捲簾踏秋水月上娑羅樹

初地無人行諸天現塵表松風灑花露聲臭忽已了寂寞
不能言鐙檠寫煙篠幽夢破元關多謝妙音鳥

雜述

敝衣自多虱荒池亦生魚一氣化萬物可想鴻荒初開天
必盤古雖見前代書搏入必女媧誰育古皇與自從大始
來後實皆先虛問其所以然先生恐欺予

西北半荒塞東南半沃土昔縮而今贏地亦不自主大抵
多水鄉卽爲眾物府鑿淮旣通江揚州多大賈人身益就
卑人心益非古儒生談地氣斷斷亦何苦

讀書求甚解用事想當然淵明及東坡言之苦不全陋哉
一孔生亦張兩空拳問爾欲何爲坐地思談天未辨白非

白安知玄又玄格物必博物慚愧張茂先

種樹厭盆花馴禽厭籠鳥玩賞必咫尺所見亦何小天地
本浩浩動植常擾擾形聲落聞見心目各自了贊皇老而
癡平泉悔不早一草及一木子孫欲相保

登黃鶴樓

前年我入諸侯幕今年才訪仙人鶴地上人乘天上雲此
身知到三層閣江漢無聲古水流波瀾不動春山幽遙嵐
遠翠若爭渡一一捲上朱簾鉤更衣不覺春寒小凭欄但
見春光好梅花吹罷柳條生玉笛一聲青未了楚客登高
望故鄉遙看一綫明瀟湘忽聞萬里叫鴻鵠歸心頓欲過
衡陽登樓也識非吾土題詩何必忘吾語崔郎自古我自
今槌碎空拳終不武少年五度泛晴川曾吟七字追狂仙

山光水色只如此興會大似非從前陳劉鄴下兩才士員
尙難中貴公子倚樓相與對青波翩翩一鶴凌空起

僞漢劉龔冢歌

洛州真龍稱刺史海國毒龍作天子非驢非馬欲何爲值
兔值牛聊自喜尉佗老去呂嘉亡樓閣重看照煙水朦朧
妖氣射星文碎破山河正豆分剩水殘山自薰沐沈香高
燕炎州雲真龍再見毒龍警孫子先人來執梃麋鹿朝游
歌舞臺狐狸夜搯臙脂井墟墓如山不葬金魚膏凍滅蠶
絲冷今古回頭幾戰場關山滿目半斜陽斷粉零香杳無
處花田猶說小南强海疆花事自終古海角蜃樓又旁午
黑水干帆欲豎旗朱崖一綫微聞鼓鯨鯢萬里送頭顱辱
沒劉郎墳上土

丙申八月出都寄曾芷潭編修

一日歸程千日籌今朝真箇渡蘆溝國門乍出猶疑夢鄉
思重生不帶愁馬足正驕黃葉路詩名權讓白雲樓臨流
自笑私窺鏡帽影鞭絲別是秋

夕陽閒點素衣塵入店依然落第身作吏不妨呼命士回
家未必定閒人鶯花上國皇州夢雞黍高堂子舍春雨送
風迎聊自慰出門一笑客懷新

清明日舟次羊城追念前游偶作

江南客買海南舟彷彿從軍恣遠游楊葉晚風驚冷節梨
花細雨到炎州嶺煙浩蕩頻移棹鄉樹模糊獨倚樓欲向
越王臺上望干戈滿地使人愁

田園游眺偶成

亭皋一葉下村落暮寒生落日
到鴉背流雲帶雁聲閒招
荷笠客偶作傍山行秋色散
平楚蕭蕭各自驚

南康

栗里杳難見廬山高若何孤舟掠星渚二月已風波鄉夢
因詩少春愁對酒多斜陽方背郭掩映片帆過

過陽朔弔曹鄴故宅

綠樹村邊路曲盤碧蓮峯裏烏綿蠻我來不見詩人宅細
雨嘯猿過畫山

蔣德馨初名德福字心薌長洲人道光乙未進士官工
部主事有且園詩存

跋英庭叔閩游詩卷

回首江郎石氛埃迴未消習流方下瀨度嶺漫停輶離亂

儒冠賤風塵驛使遙沈吟可哀出天半望虹橋

次韻張欣木王熙玉山行

崑山崑崙高入天黃華赤實相新鮮玉膏五色出其上採
食傳自羲軒前庸成冊府號羣玉中繩四轍何巋然元圃
夜光任堆積如環如玦如鉤拳腐儒目論等蟻蟻蓋笠何
處窺方圓胸襟齷齪飽塵垢恨無三斛純灰湔澎湖環島
三十六蛾眉秀色紛聯娟傳聞玉山最負絕月明往往翔
羣仙蜃樓縹緲大海出鵲橋恍惚銀河填君從何處覲靈
境步虛聲落青雲邊波瀾虛堂動澎湃造化真宰工剗鐫
陽侯天吳下歛吸海鱗巨獸來蜿蜒驪龍睽眄介鯨吼熊
咆虎嘯驚層嶺玉山髣髴出雲表神芝萬頃森瓊田列眞
耕煙種瑤草亦有聯襪仍摩肩蠻獠犵狁不得上仰視睥

貽徒扳牽獵纓危坐再三讀心游目想神爲顛卽今天南
賊未靖譬如餘毒猶纏綿怒臂已知難拒轍斷流尙復思
投鞭樓船指顧下漳浦六師士馬皆精妍崑岡玉石懼同
燼山靈呵護當求全虎門兩峯最扼要淵亭岳峙相迴旋
狼隄嗅金通貨幣安息摹面輪刀錢咽喉慎勿俾攔入重
教驚鳥思飛騫孫盧往事有前鑒除根遺種功相懸磨盾
草檄要公等耳雷鼻火方壯年黃羊肋似露漿味渴飲其
血何嫌羶曷爲韞玉方待價寂寂空抱柯亭椽白虹燭天
光萬丈披圖視寶非無緣期君勒銘玉山上錦衣他日珂
鄉還

蘇廷魁字德輔一字賡堂高要人道光乙未進士改庶

吉士授編修官至東河可首恩督守子長齋寺少

詩話廣堂官諫垣時仇直敢言與陳頌南朱伯韓齊
名號三諫臣詩則葩敷藻耀時露感慨律句亦有類
中晚者如旅懷云眾鳥儘知高樹託名花偏愛後時
開晚望云少日風懷詩外減故鄉春色客邊深衡山
縣遇風云衡嶽雄吞麋子國湘
江青入洞庭湖皆清婉可誦

友人爲余述所聞見有可歎者要余賦詩事非一時
故章無倫次義存諷諭庶幾聞者足戒云爾

嶺海風清坐嘯秋身兼三組漢諸侯瓊筵爭睹鸚鵡錢錦
段多歸翡翠樓傳道建威臨越鎮何勞執憲告交州龍驤
酌水題詩處鳬舸揚旌訪古游

蓬萊仙吏不知名任達疎慵洵有情力拯魚頭勞障水生
來猿臂善談兵陶公甓運分陰重桓發金輪博戲輕錄事
囊家多俠客溷翁華髮念蒼生

李郎年小擅歌場日坐朱門燕寢香花下濡頭逃酒令鐙

前假面學談孃鴛鴦鎖絡葳蕤結琥珀鉤生的樂光會得
東山絲竹意勸君行樂莫相忘

十丈紅塵暗醉鄉岡頭歌舞惜荒涼何來日下埋輪使驚
散春風結客場漢殿果應冠獬豸坡山不久駐仙羊口碑
今比閻羅老當日誰陳借寇章

藤鼓歌

斷藤作鼓武功壯打破潯貉萬山瘴盛代能和金石聲當
日懷思廉恥將九層崖抱仙人關大藤之峽盤其間侯渠
倡亂十載橫韓都御史來征蠻焚巢搗穴一鼓上引援附
蟻如掉鞅飛來三百陶家軍殲盡五屯力山黨大藤如斛
互干丈斧斷蜿蜒疾雷響軍門饒鐃備凱樂新鼓鼙鳴酒
行賞師和令肅民更生後有王蔡宣威靈磨崖雲封字漫

滅此鼓尙帶元黃腥我曾訪古瀧水旁韓公血食光桐鄉
歌獻迎神送神曲不聞搗鼓神不翔卽今留閣烏臺側百
怪聞風失精魄包收陸放馬成湖鎮壓須憑督軍力伏波
銅鼓土花碧輝映千秋得聯壁去年平定西海戎作歌願
補陳倉石

大廟峽

北江無緩流十里徑一折初險試中宿波勢怒將洩已過
太平角漲沙積晴雪陡立香鑪峯東江作喉舌獮石不受
篙篙鋒猛相囓鴻荒有遺跡纍纍蜂窠綴長年督眾力錯
迂手見血乘機一轉舵引臂百鍊鐵深青凜習坎昏黃遽
出穴輕舸時低昂孤懷自超越前舟滇陽來疾帆飛鳥瞥

樂昌大灘

樂昌六十灘茲灘爲巨擘風雷萬古忿蛟龍不敢宅我來
子月尾潦盡灘見脊尙挾三龍流爭此五里石先聲蓄高
勢後勁接生力灘師語約束激昂赴大敵一舟方枝梧數
舟助嘖喑屢挫氣益厲競進勞未息下灘虎驀坡上灘蟻
緣壁朔風吹暮雨並作寒威逼水宿今峽甸江梅慰行客

雨泊閬門

悄聽孤舟雨能迴萬里心寒山鐘不到笠澤意何深把釣
慚真隱嘯烏奈苦吟姑蘇城下水十載託知音

贛州夜發謝孝廉同作

征路看牛女推蓬薄醉時微風添水韻新月弄秋姿不寐
青山對含情白鷺知元暉多逸興隱霧若爲期

許乃釗字貞恆號信臣錢塘人道光乙未進士改庶吉

士授編修官至江蘇巡撫降光祿寺卿

詩話信臣視學粵東嘗註刻敏果齋兵書七種奏上
頒行咸豐初命佐向忠武治軍江南尋授蘇撫時寇
勢方張力與支拄嗣以
病乞休頗嗜讀佛氏書

西溪看蘆花

攬景出西郭溪山相枕藉落葉滿山隈窈窕秋妝卸溪水
清且幽蓬窗時激射濛濛水天淨晴雪亂飛下一白眩銀
海倒影澄潭瀉嵐氣暮凝紫人煙亘桑柘芒屨草露單新
水出林罅送客過溪橋襍被卧村舍回首塵世居安得如
此暇月魄有盈虧人事更代謝蘆花易白頭榮瘁亦云乍
及此雙鬢青歲月天肯借盡日愜勝游不足繼以夜

朱琦字謙甫號伯韓臨桂人道光乙未進士改庶吉士

授編修歷官御史議敘道殉難有怡志堂稟

詩話伯韓工詩古文辭與梅伯言邵蕙西相上下觀其正氣閣一作忠義之概獨有千古而卒不欺其言伯韓又豈僅詩人已哉

兵書峽

兩山東怒濤峭壁如削鐵云是兵書峽萬古閼石穴神猿昔巢此夜半思盜竊六丁忽攝去荒厓中斷裂至今絕梯援天巧不妄世我聞發微歎神兵豈留訣幻想託鬼峪望眼迷嶢嶢頗疑茲巖底下有老蛟窟亂石淬劍芒慘澹鬪霜雪艱危懍可怖一帆去如瞥

浯溪鏡石

蒼厓削雲根寒碧淒以耿奇哉一片石澄江照秋影初疑太古月團圞墮湘嶺又疑舜二妃袖此疑荒梗年深蘚花積班竹閼幽冷我來及秋仲拂拭光炯炯步上浯溪臺喬

木帶煙暝其西爲居亭規制仍峻整循厓自東下湍流激
奔猛青山閱人代歲月誰記省粲粲元道州恍若通欬聲
摩厓餘大碑凍雨洗絕頂顏黃並魁峙三悟快馳騁低徊
日已夕悵然覓歸艇

陳東橋招飲秋廬

寒煙開別墅落日坐疎楹飲少客亦醉樹多秋有聲琴尊
王冕宅畫史子雲觥笑語見滋味歸途踏月行

彭子穆招同少鶴餞行

并承示池公
生春挽章

秋雨蕭蕭白燕詞龍溪道遶鬱哀思寢門風義猶行古嶺
表文章待起衰撲筆昔曾歌慷慨登車莫更惜倭遲酒酣
試共王郎舞看爾滄溟跋浪時

孔繡山青天騎白龍圖

雲背鞭龍龍已飛手持玉杖吞朝暉巢父掉頭胡不歸長
安茫茫半塵霧幾輩騎黿不敢渡看爾白日破壁去東溪
歲晚玉女峯我願爲雲君爲龍不辭青嵩倚長松彷彿見
君排雲至夢中海客早心識披圖咄咄稱怪事拍手大笑
三千年對嶽樓上捫青天酌酒北斗扶桑顛賀監再逢酒
中仙菖蒲花開紫玉煙勸龍一觴且醉眠

古意一首和楊紫卿

美人立雲中亭亭抱明月被以芰荷裳佩以青玉玦淩波
起微步照影光未滅雲螭翔左右吹簫向丹闕散作鸞鶴
音滿聽實清越迴飈奮餘響流徵忽淒咽蹇修時不來高
義徒悵結

同馬止齋刺史游澄懷園作并呈何根雲張小圃兩

同年

廣厦須大木偏絃難獨張翰林育才地澄懷玉爲堂林木
湛清華池荷生暗香員嶠多仙人雲鶴方高翔明霞招我
餐出郭航酒漿塵纓此暫濯心與水月涼老儒抱琴來慨
然彈清商彷彿聽穎師浮雲忽飛揚

正氣閣詩

宗滌樓戶部於都城西偏建一閣顏曰正氣祀越中殉難諸賢自明末迄今凡十三

人首倪文貞公元瑤施忠介公邦曜周文忠公鳳翔劉忠端公宗周祁忠惠公彪佳次王文成曾孫先通及其子業泰附祀者余忠節公煌張忠節公焜芳何文烈公騰蛟嚴忠節公起恆最後則定海總兵葛壯節公雲飛上海典史楊慶恩也與祭者九人各賦一詩道光丙午二月琦爲之歌並記

十有三忠萃於越燕臺肇祀春二月綽楔大書正氣閣敬
恭桑梓事尤烈自從甲申遘陽九義士纍纍甘死守東西
兩浙疆碧血異代精靈孰先後廟貌首列倪施周蕺山寓

山典型留王余張嚴並迭起磊磊名姓光九幽邇來妖氛
熾海國舟山血戰誰最力同時楊尉死亦慘嗟爾微官不
負職稽山鏡水搜逸志宗君此舉有深意莫辭得酒同酩
酲要使僇夫識忠義九衢馬足多黃埃高樓徙倚生遠哀
酒闌揮手各歸去南望蒼涼隔煙樹

和湯敦甫師相游龍杖歌

蕭山夫子七十餘前年致政留京都蒼顏白髮謝簪裾腰
腳輕健不用扶舊宅十笏城東隅荒園草草瓜與壺中有
游龍雜葦蒲紫花爛漫秋不枯鱗鬣漸老根生鬚笑謂畦
丁無髴除製以爲杖形狀殊堅比赤藤輕若無直逾邛竹
中則虛鐫銘示我屢歎吁自言老退思江湖家無桑田八
百株又乏橘官千頭奴便作寓公聊自娛人生隨地皆安

居飽食緩步可當車且學老圃往荷鋤草木位置不粗疏
長公近亦歸衡廬童稚繞膝讀我書親賓過從語踟躕年
年根節勞爬梳良材如此當預儲樞載分致諸老儒愧我
樗散非世須問道儻許談其粗夫子神完老愈癯誰陪履
鳬健走趨延年作頌敢近誣豈但功與靈壽俱難進易退
古不如

九月十日發通州

出自郭東門海氣迷煙樹買船下通州解纜日已暮悲風
決浮雲大野豁積霧落葉何蕭蕭帶雨自飛去晚來天氣
清山月看徐吐已矣謝故人吾將侶鷗鷺

當陽道中

楚塞蒼茫外乾坤戰鬪中晚煙烏柏冷山勢虎匡雄戢戢

形如吼嘔呀語不通夷歌聲又起野哭幾家同

襄陽晤羅澹村同年留宿郡齋因登孟亭

舊好仲雛黍風流見孟亭松雲棲峴首草閣聚春星太白詩誰敵羊公涕尙零南山歸未得遙望鹿門雲

安園古松歌

園在金陵國初爲靖逆侯張勇遺構後屬劉玉階農部大父觀察公乾隆初始

改今名今百餘年矣玉階置酒丐同人作詩爲題長句

曩聞安園有古松枝葉秀出柯亭中根大百圍蔭十畝盡收煙翠鍾山濃將軍夜宴方召客火齊磊砢堆盤紅妖姬如花出歌舞彷彿夾水酣笙鏞老髯冷視在雲表下笑蒲柳差爲叢白鶴厭客亦飛去繡幕塵積餘刀弓茂貞奉誠遽易主孤標苔卧冰雪封君家大父夢得裔雲英萬卷卑雞籠卜居喜近青溪側佐飲亦有紫駝峯是時江南方全

盛板橋羅綺繁歌鐘故家遺風久漸變草樹荒落無歡容
秋廬聽秋少人到濤聲怒與江流東落星盡碎墮花雨弋
甲滿眼秦淮空小倉竹多供飼馬北埭風冷號沙蟲千年
老梅同煨燼斧斤豈能赦蒼龍前江後段事一例水中歌
哭煙濛濛曹司語此尤太息浮雲變滅隨春風舊時園記
尙煢攷北山移文惱狙公不如乘醉濡毫畫橫障隅坐且
學商山翁

同潤臣仲穆至極樂寺看海棠因游萬壽寺而歸

道人愛花如游蜂荒剝羅綺紛爲叢國花堂中羅眾豔春
寒睡起嬌更慵綺窗新拓蔽修竹野桃一枝出小紅美人
對此頗卻立妖嬈自惜顏色豐歡情易滅雨氣少一半狼
藉隨東風我老厭逐少年伴鉏車疾走聲不通萬壽寺前

有老柏狀若蒼枯蟠于龍樹根怪石作人立碑亭暗淡陰
氣濃始知時豔易爲悅參天愛此冰雪容佛閣花雨正繁
會金錢布地敲疏鐘衣香粉黛雜士女雙蝶飛近西復東
日晡驅馬各歸去詩客一笑豁幽悰呵壁書此當游記買
醉更問鄰家翁

彭崧毓字于蕃一字漁帆號穉宣又號錢孫江夏人道
光乙未進士歷官雲南迤西道有求是齋詩存

野望

極目平蕪闊關河勢莽蒼雲陰銜日黯山氣接天黃野角
寒逾惻邊風晚更狂難勝征戍怨何況在沙場

贈林聽孫公子

絕域歸來萬里身麻衣又染瘴邊塵家聲久已傳忠孝世

味偏能嗜苦辛海外盡知蘇叔黨洛中爭拜范純仁圍碁
我昔慚窺豹會見門功繼炳麟

方俊字伯雄上元人道光丙申進士改庶吉士授編修

歷官雲南迤南道有暎春書屋詩刪

詩話伯雄少工詩文尤喜讀離騷太史公書咸豐癸丑金陵不守伯雄方在諫垣疏論陸沔陽僨事罷卹典賦詩紀其事及出守臨安回亂方作上書請用林文忠治永昌故事但論良莠不分漢回時不能用擢巡迤南以母憂歸遂不復出晚自號枕善巢老人與里中高年爲文酒之會年七十五乃卒

薄宦

家園曾是帶經鋤薄宦長安閉戶居憂至願陳鼂賈策病
來惟讀老莊書偶尋杯勺還燒蠟貪看湖山欲買驢窗外
雞聲殊不惡五更風雨忽愁予

李佐賢字竹朋利津人道光乙未進士改庶吉士授編

堂堂白日去如何搔首西風客感多
尺地寸天今版籍披荆斬棘古關河
雪山輕重關嚴武粵國興衰問趙佗
莫漫請纓談壯志登壇三十已蹉跎

翟霸聞雁

北嚮聞南雁依然結陣飛
初春橫塞冷曉月入雲微
梁稻謀原悔關山路豈違
莫嫌中澤苦羨爾有家歸

魯一同字通父一字蘭岑江蘇山陽人道光乙未舉人

有通父詩存

詩話通父與同縣潘德輿四農建甯張際亮亨父肆力於詩出入李杜蘇陸諸大家沈著老重一循正軌文亦嚴守人家矩矱渾灝流轉不懈而及於古

昔游

昔游莽迢遞今望獨蒼茫
落日見孤隼驚風吹大荒
蛟龍

秋改窟鴻雁夜違霜搔首歌哀郢鯨波萬里長

時湖決

春曉齋中作

東方猶冥冥禽聲在高樹卻看簷際白已照屏間素羣動
尙未作微夢忽已去因悟人生初淡然無百慮起看庭中
條零落滿朝露青春若可留吾與爾同趣

送人南游寄題金山寺

泉是中冷好樓從北固分送君風瑟瑟相憶水泆泆僧臘
逢殘雪江晴見斷雲遠公如借問爲誦北山文

明月

明月非春水如何滿地流離離出海嶠益益注金溝花露
時翻鵲風江有去舟多愁拌看汝扶影傍南樓

題徐子容少府溪山垂釣長卷

南宗平遠窮纖穠北宗莽蒼堆高空
營邱華源不復作江山萬古誰清雄
國初蕭生聲隆隆近來獨數徐髯工髯也
十二棄雕蟲十五十六遠從戎南極沈黎西甘松寶刀殺賊不快意一官手版今龍鍾
雁門馬邑連雲中翁昔佐郡驂花驄
蔚州官舍簿領少但食山綠扶孤筇
日斜吏散坐小閣千山萬水來心胸
吳縑百端墨百挺突兀四壁生華崧
三年歸卧建陵月倏忽騎馬摩蒼穹
幽州四月天多風九門翠幟驕游龍
宣南小邸日扃鐫冰槃堆案櫻桃紅
我來窺戶正磅礴十指幻出千芙蓉
今之二圖尤慘淡其一似仿山樵翁
溪山垂釣大不易扁舟忽送江流東
四十年來鳥過目卻憶快馬彎長弓
狐關雪嶺幾萬里晚看鏡水磨青銅
思君不見愁枯桐片帆欲動蛟龍宮
梅梁禹穴今

何在渺渺青山一去鴻

憶長安舊游

左掖門邊垂柳枝金河橋上影離離
晚來風起千官散正是宮鶯欲下時

酒樓高敞傍仙寰虎觀龍亭指顧間
誰識青袍一年少滿斟金爵看西山

蟋蟀

豈有聲難定緣知聽未眞苦將階下意
說與夢中人風露初侵夜星河欲向晨
玉墀他日好亦未稱閒身

登馬陵

馬陵一小山遠勢有千里橫
略大東來下飲崑崙水三月山氣發
青天鏡無滓播鼓拜玉皇閭闔煥丹紫
百神儼冠

佩羣龍翊階阼上陳霸王略下訴斯民否昏昏楚漢來紅
塵開白蟻嗚呼糞土臣清淚瀉如駛古井塞海眼修鱗蛻
精髓萬事合變化渾沌何年死道人骨皮乾微茫記甲子
苦說唐年樹安知今誰是登高迫暮景乾坤有高視不從
赤松游腥膻徒爲爾

贈周生

貂衣誰家郎銀鞍騎大馬新從河朔來血戰大行下主帥

丹旄歸

李吉人
中丞

脫身就里社妖氛纏牛斗江介無片瓦將

母豈不遑豺狼嗥中野怪子何淹留清淚墮杯斝懽場易
荒忽扁舟實瀟灑落日照行營長淮哀湍瀉贈言尙慎旃
古道今已寡

周止安畫冊爲周蓮亭大令賦

居子才如馬脫羈指揮百怪風雨馳奇文巨冊棄滿篋長
槍硬箭森陸離有時作畫愛雕刻十日一水五日石大窮
元氣細秋豪寫罷茫茫自嗟惜學書頗重包慎伯端已而
外畫無敵記揮老淚託生平夢裏傷心漢水聲十五年中
事反掌包老亦作辭家行止安將游漢陽臨行謂吾與慎
伯他日非通甫莫能紀其生平
明年果卒而表幽之文至今缺如慎伯幽冥萬古負兩友
去年扁舟避亂遇盜而傷其年冬亦沒戎馬餘生戀升斗卽看一髮是青山那得扁舟同白首湘
潭文孫頗愛奇揚州肆市偶得之揭來雲臺中昂首賦新
詩三磊吞混茫九龍拖威夷金牛玉女望不極別峯幽巖
森蔽虧玩弄丈人松顛倒翠屏姿畫懸在壁詩在口以畫
配詩左合右天生神物有同歸包老大字妙奇艷夜深星
月下中庭山鬼入戶秋鐙青瓊花梅嶺事荒忽斷縑遺墨

嗟飄零乃知二老真精靈往事獨說無人聽來朝高挂雲
颿去海天無際窮追尋

登岱至一天門作

朝曦蘇萬峯絳氣橫百里海色動衣裾松風半天水天路
初坦夷地脈閭隆起安識寘身高俯首城郭是微茫汝陽
田厯落明堂址麻鞮登封路萬古吾身始徘徊出閭闔龍
虎宛夷俟雲知開闢年樹識漢唐祀百歲紛旦暮九霄方
尺咫發軔厯華嵩浩蕩何窮已

萬松嶺

萬松爭一門石角走磕磕陰飈中呶呶翔陽避在外巉巖
慄虎豹天光忽破碎亭午山氣合尊靈萬方會低偃張幕
帟高褰樹旌旒仿像絳節臨豳厯鸞聲噦混合青冥中風

濤一世界旁徑緣縈紆紅牆宛襟帶未必飛仙駐去鳥入

已隘拊膺起歎嗟聖有垂堂戒嶺下有昇仙洞石路斷絕

張際亮字亨甫榜名亨輔建甯人道光乙未舉人有詩

集

陳恭甫曰翡翠蘭若鯨魚碧海足以雄視天下黃

左田日出入李杜嘉道以來作者未能或之先也

姚石甫曰捕赤蛇搏生象含弄風景出入造化

詩話亨甫游京師曾賓谷聞其名召飲同坐皆名士

會食瓜子黏鬚一人起為黏去亨甫大笑明日投書

責會以財利奔走寒士廉恥俱喪負天下望以是得

狂名閭省鄉試主試官途途中相約張際亮狂士不可

中而際亮已易名亨甫因事被逮亨甫待之淮上從至京

主試愕然姚石甫因獄其氣節肝膽有古烈士風事

師石甫旋亦昭雪出獄其氣節肝膽有古烈士風事

多類此梅伯言贈之詩云尺五莊曾共杯酌眾客酬

講君落別來江海飽翔金雞宿心雖了莫歸去好

季布入關西故人喜見翔金雞宿心雖了莫歸去好

賦西京燕喜詩

夜泊城門瀧大風

山暗大風鳴蕭蕭草木聲魚龍翻峽黑星月湧江清客夢
寒偏覺鄉心夜久生併隨流水去百折繞灘驚

王文成公礮歌爲蘭屏比部作

嘉靖七年夏五月新建伯王守仁造

原

圍餘二寸徑一尺

十四字蝕銅華老當時正撫田州還入寨尙阻獐獐頑仙

臺藤峽總瘴癘鑄此意豈威諸蠻金精夜泣霹靂裂慘澹

洞谿鏖戰血故國滄桑獨不磨不朽忠勲視此鐵公昔手

縛宸濠來鄱陽樓櫓驚飛灰倉皇憶賴青田在卧病還山

共可哀

明太祖於鄱陽湖幾爲飛礮所中賴誠意先令易舟而避得免

征南再出勞王事

父老拜棺空涕淚萬樹梅花縞素迎生歸庾嶺猶天意摩

挈手澤無期年

礮鑄於七年五月八年春公卒於南安矣

今三百載留蒼堅文

琴李印共後先忠定公名印信國公琴皆比部所藏比部好古世所賢吾聞
佛狼機害爲兵火最金元以上史未聞好事援經釋以旃
從知此礮古豈無世亂莫救城焚屠興亡在德不在器嗟
公所恃非區區

洗象行

六月樹齋太史招同蔣笙陔立鏞贊善陳登之別駕小集是日爲每歲洗象之期因約爲詩余恩恩未暇作七月十一日衛柯舟中補賦此奉寄

大象嵯峨勢若山小象礮礮岡與巒清晨象奴騎象出道
傍觀者牆堵環滄波蹴踏地搖盪下汨上踴非一狀象奴
狎象如狎人婦孺相對皆惆悵傳有二象前明遺黃牙脫
落餘蒼皮此象馴良善駕輦出與天子相追隨聖人首作
百獸舞餘象十數亦就撫歲時頒賜天廐錢統以儀使居
以廐剝膚鑿齒倩誰偷徧體或恐成瘡痂年年此日放洗

浴淋漓戲水奔犀蚪有客因之三歎息何限滄桑悲勝國
豹房虎圈恣盤游山河轉眼烽煙黑當時闖逆呼象來象
怒不跪亦可哀卽今二象銅駝似荊棘曾看晉闕灰承平
且莫多幽怨請君觀罷聊同飯我皇謁陵崇孝思今秋減
責駝羣健

虎圈行

余旣作前詩因憶去年七月十六日偕孟慈
農部游玉泉山遂觀虎圈有可感觸並補以

詩

君不見圓明園邊有虎圈三虎一豹參元熊此皆惡獸最
猛突咆哮昔在深山中深山獵火迹不至擇肉以食何梟
凶晝伏夜起若有伺慘澹崖谷來兩風誰有大力檻致是
圈中向人猶怒視投以羊豕據地號爪牙森動天蕭騷兒
童百錢輕一願圈奴買醉嬉而去圈奴飼虎如飼人慎勿

逸出傷吾民

張紅橋畫象詩

蘭屏北
部所藏

玉尺量才笑婉兒當年擇壻解聲詩渡江不見迎桃葉水

閣秋風卧病時

子羽宦金陵而紅橋沒於家世
所傳紅橋詩半思憶之作也

上巳日六安放舟作

南方春早北方遲漸近中原氣候宜柳色一灣風暖後桃花三月燕來時人同逸少非無感地奉咎繇尙有祠懷古難尋觴詠樂芳辰坐惜片颿馳

聞雁

天涯獨客久不歸書思夜夢如無依豈知磧雁有常候秋南春北來去飛一行乍見落日遠數聲或度重雲遲去年江淮水淹溢十室九戶民苦飢心知稻粱謀不易嗟爾何

處銜蘆肥幸因地暝避冰雪得返朔塞鳴毋悲東風二月
花發時走馬亦有游俠兒酒壚飲罷出門笑弓箭在腰何
所之

舟中聽雨

煙裏晚濛濛孤舟更北去鳥嘯荒岸竹帆轉平沙樹夜鐙
照暗水雨聲在何處萬籟如笙竽歲華送遲暮

酒中書扇贈林二

觀成霈然

秋色蒼然萬里來登高痛飲壯懷開馮唐遇主思前事李
蔡封侯感下材樹老盤根盡龍虎劍長騰氣卽風雷尊前
一醉斜陽盡期汝悲歌市駿臺

江開字龍門廬江人道光乙未舉人官陝西知縣有浩

然堂詩集

蔣子瞻曰龍門文經武緯視天下事無所不當任愛
之者干功令上封事目為天下奇才不愛之者亦嘗
騰謗書上彈章駁駁有欲殺之勢君一不介意為詩
有含宏正大之音其感時撫事殷然惻然者時流於

外句

詩話龍門負才振奇嘗從軍粵東不得志久客都下
咸以異才被謗去黃樹齋侍郎禁煙一疏相傳亦出其
課甚鉅為令秦中因分校鄉闈薦卷嫌疑被劾終未大
展抱負集秦中漢水曲為襄陽徐氏女作女美而才有
蠱役逼為媵女兄不允被毆死於漢水女訟之三年
不得直文忠令龍門往偵實抵役法女感其德欲委
身焉力卻乃為尼誓不易志詩中云漏網終烹釜底
魚銜環願作梁間燕可憐紅拂原知已錯認黃衫可
自媒又云太山石爛滄海枯弱女真能志不渝此心
已許事君子家貧亦是千金軀三生石上無緣分大
士臺前識罪辜蓮臺日夜添香獸還祝郎君千萬壽
莫憶襄陽薄命人澈清
漢水今依舊事亦可傳
送朱常卿 善旂 歸當湖

薊門黃葉閃斜暉瑟瑟秋風雁亦稀河曲遠隨帆影折岱

雲低傍馬頭飛尊前離思歸橫遶天外鄉愁入搗衣聽唱
驪駒都是客如何我只送人歸

贈姚秋士

桐

嗟爾出羣才飄零共酒杯年來憂患逼貧到死生猜虎豹
陰巖伏魚龍大壑哀途窮不敢哭風雨一登臺

觀明太祖馬后遺像

至正四年饑大蝗獨投黃覺依僧房曾脫袈裟作天子寂
寞御容仍上方攝山挺秀壓江左樓臺金碧殊輝煌南都
阿監避兵火帝后圖像處收藏遁跡此間日供奉石鼎往
往焚御香奇哉滅國自闡宦此乃忠義爲逋亡我從山僧
請像謁心神肅如登廟堂僧指一幅曰太祖帝者姿貌真
非常龍顏河日照棟宇炯如碧海升朝陽斑斑黑子炳額

際銳上豐下神軒昂分明奇骨直貫頂洪鐘想見聲揚揚
青笠短衣不敢拜但見英風颯颯鬚眉颯赫若雷霆怒不
息非此不足平八荒布衣崛起一天下西漢以來誰頡頏
鐵馬叢中得聖女始終內助緣糟糠仙容廣潤遜而順修
眉直立柔能剛化家爲國接正統後有炎宋前漢唐赤帝
子憑三尺劍司晨有北穢德彰太原起事亂宮掖雀屏窈
窕難贊襄黃袍眞人亦詭譎鸞膠再續無短長惟茲內外
合開牖雙懸日月垂明光宮闈一代最清肅女箴女誡多
預防龍種爲魚卒顛覆萬子萬孫空慘傷我朝寬大澤其
裔東樓白馬延餘慶孝陵抔土置守衛松耶柏耶何蒼蒼
陰雨龍旂見鐘阜豐碑御札刊神塲不然鼎革數百載諸
陵白露猶滄桑何況眞容寫尺幅應作劫灰飛道旁

將游嶺南寄張曉船淮上

建業送君淮海郡扁舟我亦故山阿
門前雪盡流冰響江上春歸細雨多
短褐能交天下士高才誰愛郢中歌
王孫莫謾彈長鋏南粵風波更若何

秋興

呼童滌後圃乘時種秋菰歲寒苟可採
廚蔬亦已充矯情自不適樂道安所窮
前賢在草澤亦與常人同雞豚散煙社
杯呼鄰翁太空舒白雲安知彼所終

送潘四農解元

德輿

不第歸山陽

重城未忍出征馬亦悲鳴耿耿丹心結
蕭蕭白髮生岱雲捲歸夢淮水誤春耕
知爾原無損當時自不平

四月四日葉筠潭黃樹齋兩鴻臚徐廉峯黃矩卿兩

太史汪孟慈陳頌南兩部曹招同郭羽可中翰潘
四農解元共四十二人作江亭展禊之會

風雲起萬里會合來皇都搜剔出英俊寶貴皆璠瑜豈似
晉永和人才只一隅茲亭集文讎佳日無時無今朝大歡
會文字猶區區悠悠百年後來者非吾徒去留各無定後
會那可圖既別復相憶何如立斯須太行抱京國佳氣浮
金鋪耶里接層漢車馬填九衢茫茫塵霧中不辨賢與愚
高岡見松檜淺水生葭蒲拙哉平生心樽酒難爲娛

長隄

長隄煙柳碧如絲飛絮飛花送客時莫怨秋風眉黛損歸
鴉猶自戀高枝

秋興

太行秋色薊門煙不渡桑乾又二年邊帥各籌金貨布司
農兼放水衡錢災分旱療民方急吾縱飢寒事偶然記得
呼鷹盤上谷夕陽衰草馬毛拳

橫海樓船異昔時東南草草定華夷犬羊不測功如彼狐
鼠難馴咎屬誰一紙書成曾鬼哭數莖鬚白有天知寒鐙
照雨敲孤枕銅柱珠崖費夢思

青海傳聞畫角哀屯田充國又登臺不教神筆驅鯨鯨已
分窮邊老驥駉李牧防秋堅壁早祭遵行部雅歌才祁連
九月應飛雪惆悵西風日幾回

開通道路起驂騑一旦浮沈水上鷗黃霸未聞重奉詔李
膺何日更同舟迷離夢寐猶青眼破敗功名易白頭殺賊
差強人意思左遷巴蜀又經秋

且翦青菰作晚蔬飽看秦火未燒書卞和白璧沽應待季
子黃金術已疏燕羽有家留不得蕉心底事總難舒吟成
獨自掀髯笑富貴浮雲過太虛

次和常南陔方伯登慈恩寺塔原韻

高岑久不作蒼茫挂餘曠躋級繼軒舉風雅今尙存涇渭
清濁辨日月東西奔終南雪萬點五陵煙一痕隋唐沒瓦
礫安問漢與秦想其全盛時陸海何縱橫蓋地起宮掖接
天聞歌聲陵谷變易久孤塔凌蒼雲或仗佛力大竟與天
壽并時晴村舍密煙靄暮雲屯朔風送邊雁鈴語四角驚
河聲日南下山勢欲東傾巍然鎮地軸所望茲出羣高歌
作金石字字堅長城

蔣湘南字子瀟固始人道光乙未舉人有春暉閣詩鈔

洪幼懷曰君嘗攬海岱駕伊涼南條北條之水太華
空同賀蘭之山鄂爾多斯厄魯特之人皆足盪胸襟
而抒志氣則拓於境矣治經宗許鄭著十四經日記
數十萬言旁通象緯厯律輿地水利農田諸學不鑿
空不泥古故其詩經籍璠
彬古香古色則密於學矣
詩話子懋詩氣奇詔壯骨采飛騰頗近洪北江故與
幼懷論詩最契集卽幼懷所定朱仙鎮弔岳忠武上
栗河帥論黃河諸作詞辨濶翻爲當時所推似落
言詮非其至者七律健舉而能蘊藉特爲擅場
讀書

浮志維利名靈源濬經策轉此徑寸珠照活千秋魄生龍
怒天風咽鳳翔地脈掩卷聆古音都如遠行客客去精光
蟠渴虹燭霄白蠹魚夜窺人一笑斂仙格

義輪攝華年蟻牽一何迅兒時嬉笑情上與三皇近束髮
薰詩書智慧厲揚刃嗜欲如嫗炭熾此天一寸魯叟鏘金
石一擊情芽忿至人藹孩提太始啞啞震緬惟嶽崎懷挖

揚激雅韻

長毋相忘漢瓦歌

沈初明死天已老零落通天臺下表漢宮片瓦留人間猶帶銅人淚痕小淚痕綠惋苔錢細迴文如喚奈何帝帝恩如海無時休廷尉先傳下鄼侯未央酒熱梟后怒又看烹狗如烹兔君臣富貴已相忘夫婦恩愛何能長盡羨瑤宮棲翡翠誰憐夢雨飄鴛鴦鴛鴦密密銀雲斂相思魂繞麒麟殿金鑲有詔索前魚鳳輦無聲求故劍別有柔情裊碧絲笙歌隔院夢醒時春雨黃金私買賦秋風白扇自吟詩此際輕拋如瓦礫此時清淚如珠滴董侯玉印鄧家銅反盟鼎券同休戚歲星笑殺博士愁蘭茝密織魚鱗稠功臣美人俱已矣涼風只住殿西頭

龍洞

金簡攝蒼水乖龍甘不逃憑依太古智天半蟠其巢高捧
巨靈掌殘劈周處刀諸佛誰咒毒壞壁鑄周遭谷神媾嬰
姦老儋同一胞子孫蠕巖臍萬古屯腥臊我聞天之用爾
功尤冠曹受爵鎮齊魯宋勅順應侯萬命樞豐焦胡爲怯旱魃
蠶縮氣不驕腐儒昨被放悲憫懷尙操哀鴻燭腸胃秋禾
乾不澆思借衛公馬一流郇伯膏痛哭雖越位彼樂宜適
郊懷哉文命聖鞭驅奮憂勞放菹取桑土洪濶靜不泡方
今擲河費淮黃天正怡元圭不再錫心血枯煎熬茲山蓄
神異櫟櫟舊跡拋或疑庚辰劍墮化靈昭昭人鬼恣出入
蝦蛭爭呼號秉燭辭黑瞿愧爾雷火燒

佛峪

一峯側皈佛萬巖恐遭擯破釜偏亦承旋螺折而進琳宇
湧彈指華嚴縮盈寸花開齋鴿游經歇古龍恨貪狼蓄人
性聽偈晨不遯石蒸泉乳香雨釀洞雲潤樹根野人卧往
往疑古舜我生激血性不知本根鈍自惜乾匠心不爲象
教運邇來倦熾塵天花剖空陣孝忠誰助談賢聖無近信
安得半蒲團老此雙蓬鬢意外得初地合十打歡訛辭家
雖未能成佛詎無分定僧疑死猿危樓聳妖蜃可憐瀑雷
旬力圖出山奮

書曾大

其巖

詩冊

百鍊纔鏘擲地金休將才命判升沈旗亭酒暝黃河曲桂
樹蟾孤碧海心果是曹劉堪索賸暗儻逢牙曠定知音文章
花樣關時代愛古還宜不薄今

題王孝廉

齊宏

後湖草堂集

不信千秋業能謀一飯難怒絃矜指爪憤笛慙心肝海碧
珊瑚瘦天紅玳瑁乾窮途珍古淚莫爲冶游酸

醉來

廣厦長裘意已疎文章報國更談虛深源詎係蒼生望韓
愈猶懷宰相書西極屯田煩將帥南中民力盡河渠醉來
調語關經濟腐氣豪情兩不除

望河有作

半月登山日西向仰看黃河在天上立馬函關陣雲起俯
看黃河落地底火敦腦兒蟠一龍萬里來壯秦關雄直下
龍門勃然怒中州土性失堅固下流更被淮河攻復生神
禹難爲功書生慷慨思復古河北當衝棄數府載之高地

何用隄順軌應同關以西君不見轉般倉置漕亦辦治河

治淮兩無患

明代藉河轉漕故東河南行而淮黃交病

馬季長石室

屹屹來盧鄭明明忤鄧梁罪疑時論在師法自君亡祿重
難拘禮才高本近狂老韓同一傳不幸死中郎

崆峒山

蠶地彌天道氣屯脈先太華近崑崙虎嫺人性疑仙佛鶴
詡皇初訓子孫呼吸九重搖北斗盤迴一綫碎西門秦以隴之正幹也廣成石室如堪借莫笑勞形盡鈍根

軒轅勝蹟入蒼涼問道宮中日月長治術究應通柱史寓
言或恐誤蒙莊瀑泉鳥飲成金色古洞龍歸帶藥香開出
英雄天子派秦皇漢武受奔忙

明太祖親封鐵冠道人所授圖

圖作三層上一殿榜曰垂裳而治下一殿榜

無數人執兵圍其外中有山樹一人披髮綰於亞枝旁一樹復一人跪而綰焉額題曰洪武十三年七月十五日御筆親封鐵冠道人所授圖今藏堯聖公府中

九宮變而河洛出世軌千載無真傳尼山那有閉房記桓
法嗣乃玄之玄識始哀平未深考亡秦者胡在其前真人
崛起有符命唐宋國祚皆綿延有明太祖奮徒步太平一
桶逢周顛得之者順失亦順學窮造化聞青田鐵冠道人
更狡獪此圖畫出葫蘆禪上書一榜壁窠勢垂裳而治庭
之邊下環盜賊以千數繞牆刀槩兼戈鋌其中有樹倚山
側一人披髮枝上懸旁跪一人亦自絞陰風慘日吹寒煙
事過觀之易得解當時得勿心茫然人言明祖如漢祖功
臣屠戮多牽連道人借此當諷諫殺機或者生悲憐我謂

陰陽乃小數雜家曾志班孟堅義經十言教消息盛衰豈
有人操權運會下趨巧機洩始矜私智窺先天唐虞不爲
子孫計夏商末世終殲旃周家厯數過其卜寶龜無憑宜
棄捐孔子修經亦修緯坤鑿度亡存者乾金雞玉羊本爻
象是緯非識須討研損益三代知百世王者必有五百年
我持此語告天下不讀孔孟非神仙

史勝書字荻洲黔西人道光乙未舉人有秋鐙畫荻草
堂詩鈔

張石州曰荻洲詩格雖未成就自不
愧香蘇高弟言宗派者得以攷云

詠吳蘭雪牧黔西得荻洲與戴禾莊爲詩弟子稱二
妙嘗闢香海棠巢引荻洲禾莊授詩其中及蘭雪歿
州人附祀於陽明祠荻洲哭以詩云文成配享當還
家詩佛同龕韻事誇不受人
問煙火供祭田先爲種梅花

題王介峯竹里館圖

羨子澹無慮空山絕賞音幽篁環老屋明月在高林病鶴
入詩夢孤琴彈道心披圖一神往風露溼遙岑

蘭江

煙樹遠無極蘭江清且深花憐兒女態春傷別離心逐客
餘哀怨懷騷自古今拾香吾有願翹溯碧雲溥

集翠微閣分韻

連朝積雪已零星四面山容聳玉屏乘興偶攜雲外屨禁
寒小集水邊亭千尋樓影撐天白一道溪流割地青小閣
吟詩身入畫朔風吹面酒初醒

題懸崖秋竹畫扇

峭拔丹崖間蒼然卧秋竹日落山風吹瀟瀟蕩寒綠

過重安江

凍雲黯黯雨疎疎黃葉聲中策蹇驢記得前年風雪裏一江寒碧賣鱖魚

榆關

鑱天鉞劍古陰山蒼莽郊原夕照閒猶有龍城飛將否自吟秋色過榆關

熊少牧字書年號雨臚長沙人道光乙未舉人官內閣中書有讀書延年堂集

暮抵山家

野徑入蒼翠茅檐三兩家夕陽猶在竹小雨不妨花留客分雲榻呼兒汲井華山深無漏鼓欲曙已鳴鴉

游子吟

朝望白雲飛暮聽慈鳥嘯引領盼親舍游子心悽悽憶我
五齡時失怙誰提攜有弟在襁褓有兄垂髫倪隨兄上學
堂書聲茅屋西母訓不知痛入懷索棗梨課兒績鎧前夜
靜山風淒十歲就外傅家貧鬻珥笄一經與一硯厯厯行
裝齋強顏爲兒歡恐兒苦羈棲送兒出門去目極門前溪
兒行日以遠高堂日以睽歲晚望兒還倚閭斜照低願言
拋舊業奉母偕荆妻承歡有餘力學耕把鋤率晨羞膾姜
魚夕膳烹茅雞采薪霜一束種豆煙半畦春風護菱草毒
與南山齊不見綵衣人七十如孩提

明贈太子太保兵部尙書楊忠烈公畫像

痛哭紅丸疾不起選侍不移難未已擁駕嵩呼九廟安六
日出宮頭白矣閣臣庸劣內臣私劉孫趙左相維持小臣

再召預顧命寸心耿耿先皇知豈不聞萬工部朝上彈章
暮膏斧豈不聞劉知府夜醺未終慘對簿肝膽義激死生
輕二十四罪血縷縷此疏一入會極門凶璫駭栗褫其魂
不殺東林無東廠按名點將煙塵昏吁嗟乎委鬼當頭立
茄花滿地紅白日矯翻三大案羣小羅織爭爲功縱誅失
律熊經略豈有貪賊楊大洪死囚一呼臣節表冷光遠映
黃芝草編公手疏涕交橫楚浦風雷護遺橐

送何子貞編修入都

天抹寒雲釀雪遲尊前忽聽渭城詞同年人少難離別小
病秋深好護持鑿掖文章新主眷隴岡風木故園思遙知
阿弟停帆待揚子江頭梅放時

鄧湘皋丈枉顧別十三年矣喜賦

秋窗靜讀南村集忽在高軒喜欲狂愛士一腔皆熱血著
書兩鬢有新霜丈人落落論風雅窮鳥飛飛墮莽蒼茗盃
清談對斜日江天迴首別情長

侯康初名廷楷字君模番禺人道光乙未舉人有惜燭

山房詩草

詩話君模覃研經史著作等身所已成者有穀梁禮
證後漢書補注續三國志補注後漢三國藝文志皆
卓然可傳阮文達督粵時命佐輯四書文話一代功
令程式場屋風氣於斯具備亦論世者所不能廢也
題春海祭酒蒲澗賞秋圖

棗瓜仙迹半迷離乘興何妨當習池官事無多原易了宦
游如此不嫌疲溫公自序游山錄坡老重添望海詩小小
林泉勞物色憐才心苦幾人知

夏埏字子俊上元人道光乙未舉人有篆枚堂詩存

何青耕曰子俊早年詩伴色瑞稱愈繼愈工後悉艾
之一出以沈鬱頓挫駿平登作者之堂符南樵
曰子俊詩似唐人有讀明史云人間利藪騰兵氣往
日歌船占好春豈有防秋方破敵翻將開轡坐貪功
以古例今
非泛言也

秋懷

木落西風急江南天地秋登樓送征雁飛夢到昇州亂後
家仍在年豐食易謀親朋喜重見雞黍各遮留

白鷺洲前月蒼涼蘆荻花居人狎蛟蜃小市富魚蝦埋薶
無遺鏃橫流有斷槎猶談番舶宴紅燭沸箏琶

殷殷江聲咽荒荒海氣蒸戍樓倚寒笛水驛見疏鐙風聚
帆如葉波搖月有棱蜨山鐘又動清課羨殘僧

天市星垣側臣家有敝廬卅年依禁樹幾日別幽居飄泊
憐秋燕平安望鯉魚得歸今歲晚松菊問何如

讀史

澶淵辛苦和戎策無事眞思保百年儘輦金錢投巨壑
揮玉斧畫蠻天水龍兵氣驚王濬風鶴軍聲壯謝玄磨盾
是誰工露布一篇海賦總雲煙

李九鵬字化北號天翼永清人道光乙未舉人官汝水

知縣有冬風閣詩集

詩話化北讀書力求實踐主習齋恕谷之說學者宗
之爲湯海秋門人而與海秋論詩多不合蓋海秋尙
天機化北重錘鍊故海秋序其詩頗有抑揚之語

春夜

靜夜適幽棲春愁客中絕泠泠梵寺鐘薄暮花間歇
煖酒慰涼宵青鐙背素月更短興彌長微吟自怡悅
久坐不知寒空庭猶積雪拋卷入睡鄉恐負千金節

舟中積雨

淒淒悵暝日鬱鬱對茂林泊舟兀無侶朱夏竟連陰榜人
重解纜旬日滯煙濤密雨歇復作隨風暗相侵不見魚兒
出遙聽哀猿吟沍沍千疊浪綠愁若箇深天末時弔影浪
跡難爲心恨無乘風便愁有魑魅尋薄暮添薄冷濁酒姑
強斟何事江村婦未秋送涼砧

獨居

獨居誰憫客無依困頓風塵欲拂衣垂老愈知名教樂遠
游每恨故交稀四山烽燧驚公頸一艇風濤燕子磯北望
鄉關何處是忍教兒女寄當歸

楊維屏字翠巖侯官人道光乙未舉人官中衛知縣有
雲悅山房偶存藁

鸚鵡洲禰衡墓

亂世生難死亦難無端劉表學曹瞞相從地下孔文舉不
解遼東管幼安豈復狂名計身後何須危碣表江干悲風
捲起濤千尺恐有蛟龍索賦看

留別何佐卿

大經

故人酒後爲長歎自致青雲爾許難身似嵇康偏作吏家
非卜式亦輸官局輸殘劫知空覆調急么絃敢輟彈十載
爲郎知米貴看君猶未厭長安

次韻寄和桂德山明府偶然作

年豐民氣樂訟簡吏事閒曝背短簷下時見屋上山爲樂
當及時遑念飽與溫韓詩二三策韓詩外傳往往造孔顏開帙
未敢窺先自正衣冠老胥抱牘至廢卷爲不歡何由乞彼

蒼置我三古間

古書羅我牀古劍嘯我壁挂席問神山欲到嗟無日大厦
歛敝頽羣圯墁其隙松寒眾草死鳳叫百鳥寂拔劍舞七
盤劍氣衝天碧

時復跨馬出問俗周里廬不知我父老欣欣何所歡兒童
負藁枯落日歸柴關來歲知飽無今歲足瓢簞歸來一長
歎當時不能餐寧夢何無策乃更取民鬪誰能奪彼食以
爲能吏顏哀哀此癯人癯人在我前

王吉人字雲樵臨海人道光乙未舉人陝西候補知縣
有萬壑松風樓詩

東湖樵夫祠

孤踪落落似無情隱姓漁樵復隱名千里驚塵傷老眼一

湖止水了殘生白龍變服渾難識丹鳳宣麻淚欲傾聞說
補鍋還有匠往來夔慶每吞聲

黃燮清初名憲清字韻甫號韻珊海鹽人道光乙未舉

人湖北候補知縣有倚晴樓集

詩話韻珊工詞曲所譜傳奇爲藏園九種之亞帝女
花述長平公主事桃谿雪爲永康吳絳雪作哀感頑
豔尤膾炙人口

晚至南屏與鋤雲僧茶話

繫棹南屏水氣昏晚鐘聲裏踏雲根斜陽一院烏爭樹落
葉半山人扣門心地空明塵不染道機清淨月無痕自今
幽興往來熟畫理詩禪與細論

題楊龍友畫扇

一冊煙雲墨未殘板橋流水碧雲寒南都王氣銷磨盡留

得青山畫裏看

二月春風散麴塵波光如鏡草如茵桃花扇子都零落忍
憶秦淮舊日春

由秋浦至屯谿山行雜詩

山行無直徑一徑輒數轉絕壁斷去路路盡忽復現脩谷
袤羊腸單車出蟻綫初從井陘入繼訝天磨旋人語隔叢
薄鳥聲韻葱蒨去影遠已滅來蹤到始見負重慎險巖關
捷恥巧便至境貴漸臻力行尙無倦

危岡下千仞勢峭若趨重籃輿苦倒懸前頸承後踵臨崖
步始轉倚壁肩更聳吾身在中央宕颺挂枝蛹羣峯疊巨
浪碧海莽奔湧攬遠盡眾觀出險有餘恐須臾厯夷坦輕
捷快推擁就下抑何易怵怵使心竦

王靜涵字虛齋舒城人道光乙未舉人官南陵教諭有

養性軒燹餘小草

詩話虛齋在南陵時粵寇驟至圍城縣令方赴省虛齋乃以學官上書會文正乞師文正甚器之屬劉文莊達意欲一見虛齋謝不往

雙杏行

園中有雙杏爛漫若朝霞狂風西北來市地飛黃沙晨起
開竹扉私憂花盡落殘紅雖滿園高枝猶灼灼嗟彼墮地
花無風亦脫樹卓哉此數枝風吹仍如故微物有美惡君
子當何如飄風不終朝吾慎葆其初

張啟鵬字幼溟長沙人道光乙未舉人有梅墅詩鈔

晚泊湘陰縣

一城斗大隔重湖雉堞參差認有無畫角殘秋人語怯荒

田晚稻雁心孤汨羅江上空蘭蕙斑竹林中怨鷓鴣三十
六灣何處宿夜深明月落菰蒲

東臺山

秋聲萬馬來猛與客心鬪峯巔生晴雲山背學釜覆望嶽
渺一綫遠勢各背就窺雲隱澗花撥薜認崖竇秋凋曬藥
石三字蹟林鶴欲比瘦雁過浮遠煙人來倚孤岫古青浮若
拳空翠小於豆穿徑繞蕭寺外景滌孤陋絕頂俯平原傑
閣聳雲構清泉響石澗靜聽瀉飛溜晚風墮高樹涼逼衣
痕縐

江干古寺

古寺重尋畫壁詩離亭楊柳綠絲絲梅花落盡春如海正
是空江欲雨時

晚晴簃詩匯卷一百三十八終